

春秋左氏傳

春秋經傳集解成下第十三

杜氏盡十八年

經十有一年春王三月公

至自晉晉侯使卻轅牛來聘

己丑及卻轅牛盟夏季孫行

父如晉秋叔孫僑如如齊
冬十月
傳十一年春王三月公至
自晉晉人以公爲貳於楚
故止公公請受盟而後使
歸卻孺來聘且涖盟聲伯

之母不聘穆姜曰吾不以
妾爲姒生聲伯而出之嫁
於齊管于奚生二子而寡
以歸聲伯聲伯以其外弟
爲大夫而嫁其外妹於施
孝叔卻讎牛來聘求婦於聲

伯聲伯奪施氏婦以與之婦
人曰鳥獸猶不失儷子將
若何曰吾不能死亡婦人
遂行生二子於郤氏郤氏
亡晉人歸之施氏施氏逆
諸河沈其二子婦人怒曰

已不能庇其伉儷而亡之
又不能字人之孤而殺之
將何以終遂誓施氏夏季
文子如晉報聘且涖盟也
周公楚惡惠襄之偏也且
與伯與爭政不勝怒而出

及陽樊王使劉子復之盟
于鄆而入三日復出奔晉
秋宣伯聘于齊以脩前好
晉卻至與周爭鄆田王命
劉康公單襄公訟諸晉卻
至曰溫吾故也故不敢失

劉子單子曰昔周克商使諸侯撫封蘇忿生以溫爲司寇與檀伯達封于河蘇氏即狄又不能於狄而奔衛襄王勞文公而賜之溫狐氏陽氏先處之而後及

子若治其故則王官之邑
也子安得之晉侯使卻至
勿敢爭宋華元善於令尹
子重又善於欒武子聞楚
人既許晉糴伐成而使歸
復命矣冬華元如楚遂如晉

合晉楚之成秦晉爲成將
會于令狐晉侯先至焉秦
伯不肯涉河次于王城使
史黶盟晉侯于河東晉卻
鮒牛盟秦伯于河西范文子
曰是盟也何益齊盟所以

質信也會所信之始也始
之不從其可質乎秦伯歸
而背晉成
經十有二年春周公出奔
晉夏公會晉侯衛侯于瑣
澤秋晉人敗狄于交岡冬

十月
傳十二年春王使以周公
之難來告書曰周公出奔
晉凡自周無出周公自出
故也宋華元克合晉楚之
成夏五月晉士燮會楚公

子罷許偃癸亥盟于宋西
門之外曰凡晉楚無相加
戎好惡同之同恤菑危備
救凶患若有害楚則晉伐
之在晉楚亦如之交輒往
來道路無雍謀其不協而

討不庭有渝此盟明神殛
之俾隊其師無克胙國鄭
伯如晉晉曰聽成會于瑣澤成
故也狄人閒宋之盟以侵
晉而不設備秋晉人敗狄
于交岡晉卻至如楚聘且

泣盟楚子享之子反相爲
地室而縣焉郤至將登金
奏作於下驚而走出子反
曰日云莫矣寡君須矣吾
子其入也賓曰君不忘先
君之好施及下臣貺之以

大禮重之以備樂如天之
福兩君相見何以代此下
臣不敢子反曰如天之福
兩君相見無亦唯是一矢
以相加遺焉用樂寡君須
矣吾子其入也賓曰若讓

之以一矢禍之大者其何
福之爲世之治也諸侯間
於天子之事則相朝也於
是乎有享宴之禮享以訓
共儉宴以示慈惠共儉以
行禮而慈惠以布政政以禮